



Broj: 03/3- 50-1-377-4/08
Sarajevo: 31.1.2008.godine

Z A P I S N I K

4. sjednice Zajedničke komisije za ekonomske reforme i razvoj Parlamentarne skupštine BiH, održane 31. 1. 2008. godine

Sjednica je počela u 9,15 sati.

Sjednicom je predsjedavao Drago Ljubičić, predsjedavajući Komisije.

Sjednici su prisustvovali članovi Komisije: Bajazit Jašarević, Rudo Vidović, Adem Ibrahimpašić, Hadži Jovan Mitrović, Hazim Rančić, Mehmed Suljkanović i Slobodan Šaraba.

Opravdano su odsustvovali: Azra Hadžiahmetović, Rifat Dolić, Ivo Miro Jović i Jovan Todorović.

Za sjednicu je predložen i jednoglasno usvojen sljedeći

D N E V N I R E D

1. Usvajanje Zapisnika 3. sjednice Komisije;
2. Inicijativa Udruženja dioničara, akcionara i udjeljučara BiH, s prijedlogom zaključka u pravcu donošenja Zakona o podjeli bez naknade dionica/akcija javnih preduzeća, privatizaciji javnih preduzeća, privatizacionom registru, zajedničkom investicionom fondom (ZIF) i nacionalnom investicionom fondu (NIF) i Zakona o javnom upisu certifikata u procesu privatizacije preostalih društvenih preduzeća;
3. Inicijative Centara civilnih inicijativa s obrazloženjem, upućene predsjedavajućim oba doma Parlamentarne skupštine BiH, sa stavom kolegija domova;
4. Izvještaj o radu Zajedničke komisije za 2007. godinu;
5. Orijentacioni radni plan Komisije za 2008. godinu;
6. Tekuća pitanja.

Predsjedavajući Komisije na početku je upoznao prisutne sa Zabilješkom koja je sačinjena 24.1.2008. na osnovu razgovora o tačkama predloženog dnevnog reda, kada je dogovoreno da se obavi razgovor s predstavnicima Udruženja dioničara, akcionara i udjeljučara BiH⁶⁶ u vezi s inicijativama zakona. Navedenog dana nije održana sjednica Komisije zbog nedostatka kvoruma koja je po drugi put zakazana. Predloženo je da tekst Zabilješke posluži kao osnov za vođenje rasprave i usvajanja zaključaka po tačkama dnevnog reda.

Ad.1. Usvajanje Zapisnika 3. sjednice Zajedničke komisije

Zapisnik 3. sjednice Zajedničke komisije za ekonomske reforme i razvoj usvojen je jednoglasno bez primjedbi.

Ad. 2. Inicijativa Udruženja dioničara, akcionara i udjeljučara BiH s prijedlogom zaključka u pravcu donošenja: Zakona o podjeli bez naknade dionica/akcija javnih preduzeća, privatizaciji javnih preduzeća, privatizacionom registru, zajedničkom investicionom fondu (ZIF) i nacionalnom investicionom fondu (NIF) i Zakona o javnom upisu certifikata u procesu privatizacije preostalih društvenih preduzeća

U raspravi su učestvovali: Mehmed Suljkanović, Bajazit Jašarević, Drago Ljubičić, Adem Ibrahimpašić, Rudo Vidović i Slobodan Šaraba.

Mehmed Suljkanović imao je primjedbu, tehničke prirode, na Zabilješku sa sastanka Komisije na drugoj strani, u tekstu tač. 3. u drugom redu, i predložio da se riječi: „ **preduzmu** određeni strateški ciljevi „ zamijene riječima: „**podrže** određeni strateški ciljevi“ .

Bajazit Jašarević naglasio je da je članovima Udruženja dioničara, akcionara i udjeljučara BiH potrebno reći da je razmatranje navedenih prijedloga zakona u nadležnosti entitetskih vlada.

Drago Ljubičić pojasnio je da je na sastanku s članovima Udruženja, održanom 24.1.2008., konstatirano da je namjera Udruženja kao nevladine organizacije bila iniciranje rješavanja problema koji je evidentan; da je inicijativa dobra i da je treba podržati, uz obavještanje njenih podnosilaca da prijedloge zakona treba da razmatraju entitetske vlade, odnosno parlamenti. Ovaj prijedlog članovi Komisije jednoglasno su podržali.

Komisija je jednoglasno zaključila da podrži inicijativu Udruženja dioničara, akcionara i udjeljučara BiH čija je namjera bila da se zakonskim propisom definira rješavanje privatizacije preostalih preduzeća u kojima je većinski vlasnik država, a da zakone koje predlažu razmatraju nadležne entitetske vlade i parlamenti. O zaključku je potrebno obavijestiti kolegije domova i podnosiocima inicijative.

Ad.3. Inicijativa Centara civilnih inicijativa s obrazloženjem, upućene predsjedavajućim oba doma Parlamentarne skupštine BiH, sa stavom kolegija domova

Ovom inicijativom se na nivou države žele podržati određeni strateški ciljevi za efikasnije rješavanje ključnih društvenih problema kao što su: nezaposlenost, siromaštvo, zdravstvena i socijalna zaštita, problemi mladih, unapređenje poljoprivrede, obrazovanja, direktnih stranih ulaganja, borba protiv korupcije i dr.

Članovi Zajedničke komisije jednoglasno su podržali ovu inicijativu.

Komisija je jednoglasno zaključila da podrži inicijativu Centara civilnih inicijativa, koja je dostavljena na razmatranje i Vijeću ministara BiH, te da će određeni prijedlozi akcionih planova i strateški ciljevi u rješavanju ključnih problema na koje se inicijativom ukazuje biti uzeti u obzir radi sagledavanja i razmatranja na državnom nivou.

O zaključku je potrebno obavijestiti kolegije domova i podnosiocima inicijative.

Ad. 4. Izvještaj o radu Zajedničke komisije za 2007. godinu

Komisija je jednoglasno usvojila **Izvještaj o radu Zajedničke komisije za 2007. godinu i zaključila** da se dostavi Predstavničkom domu i Domu naroda.

Ad. 5. Orijentacioni radni plan Komisije za 2008. godinu

U raspravi su učestvovali: Mehmed Suljkanović, Drago Ljubičić, Adem Ibrahimpašić i Hazim Rančić.

Mehmed Suljkanović predložio je, s obzirom da je već jednom dovedena u pitanje svrsihodnost rada ove komisije, da se pokuša naći tema o kojoj bi članovi Komisije mogli dati veći doprinos njenom radu, ne čekajući da je kolegiji domova odrede kao nadležnu komisiju.

Drago Ljubičić složio se s ovim prijedlogom te izrazio nadu da će Komisija vremenom dobiti više prostora za rad.

Kao konkretan primjer Adem Ibrahimpašić naveo je činjenicu da je Zajednička komisija za ekonomske reforme i razvoj trebalo da razmatra Prijedlog zakona o izmjenama Zakona o carinskoj tarifi, kao dio ekonomske reforme. Međutim, navedeni prijedlog zakona nikada nije upućen Zajedničkoj komisiji, nego samo Komisiji za vanjsku trgovinu i carine. Nadležnosti nekih radnih tijela se podudaraju, što bi aktuelnim izmjenama i dopuna poslovnika domova trebalo izmijeniti.

Komisija je usvojila prijedlog da se Orijentacioni radni plan Komisije za 2008. godinu dopuni dijelom **međuparlamentarne saradnje i ostalih aktivnosti** te zaključila da jednoglasno utvrđen Orijentacioni radni plan dostavi kolegijima domova.

Ad.6. Tekuća pitanja

O ovoj tački dnevnog reda nije bilo rasprave.

Sekretar Zajedničke komisije
Emira Češljar

Predsjedavajući Zajedničke komisije
Drago Ljubičić